

From: UUM CORPORATE COMM.
Sent: Thursday, 25 April, 2019 2:11 PM
To: UUM - All Staff; UUM - All Students
Subject: IBS UUM Turun Padang Santuni Masyarakat Baling



UUM Corporate Comm.
Universiti Utara Malaysia

25 APRIL 2019 / 19 SYAABAN 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: IBS UUM

IBS UUM TURUN PADANG SANTUNI MASYARAKAT BALING



UUM ONLINE: Pusat Pengajian Perniagaan Islam (IBS UUM) turun padang menyantuni masyarakat Baling dalam program IBS UUM *Community Engagement* selama tiga hari dua malam.

Dekan, Prof Madya Dr Muhammad Nasri Md Hussain berkata, bagi menjayakan hasrat universiti dalam memastikan ahli akademik turut menyumbang kepada pembangunan komuniti setempat, satu pusat pengajian telah ditetapkan satu daerah angkat.

“Jadi Pusat Pengajian Perniagaan Islam (IBS UUM) memilih Baling sebagai daerah angkat dengan menganjurkan program IBS UUM *Community Engagement* dengan penduduk di sana.

“Sambutan yang amat menggalakkan dalam program yang berteraskan kebajikan dan pendidikan apabila disambut baik oleh para pemimpin setempat,” katanya.

Antaranya Pejabat Penyelaras Parlimen Baling, Majlis Daerah Baling, Pusat Zakat Daerah, SMK Jerai, Pejabat Pendidikan Daerah, Pejabat Kebajikan Masyarakat Daerah, Pejabat Agama Daerah dan pelbagai agensi kerajaan.

Manakala urusetia, Siti Rasyidah Hassan menyifatkan program *Community Engagement* anjuran bersama Kelab Pelajar *Islamic Finance Banking Association* (IFBA) IBS sarat dengan pengisian bermakna seperti program anak angkat yang melibatkan 74 pelajar *service learning* IBS dan lebih kurang 30 keluarga angkat.

Ujarnya, majlis agihan anak angkat disempurnakan oleh Mohd Taufik Yaacob, Penyelaras Parlimen Baling pada hari pertama.

“Hari kedua diteruskan dengan aktiviti gotong royong kawasan sekolah SMK Jerai oleh para pelajar IBS terlibat serta Forum Perdana *Rahmatan Lil Alamin* yang berlangsung pada malamnya di Masjid Al Huda Kampung Hangus, Kupang menyaksikan sumbangan telekung kepada lima masjid terpilih,” katanya.

Menurutnya, kemuncaknya pada hari terakhir menyaksikan pelbagai aktiviti dijalankan serentak iaitu pameran agensi kerajaan terlibat termasuk Jabatan Kesihatan, Agensi Anti Dadah Kebangsaan (AADK), Pejabat Pendidikan Daerah, Polis Diraja Malaysia (PDRM) dan Angkatan Pertahanan Awam (APM), program Sunnah Memanah, *Free Market* yang memberi pakaian terpakai secara percuma kepada orang ramai.

Selain itu tambahnya, sumbangan turut disampaikan kepada 100 asnaf terpilih yang telah mendapat tajaan Maybank Berhad serta Pusat Zakat Daerah dengan kerjasama Pejabat Kebajikan Masyarakat Daerah, turut diadakan juga seminar kesedaran kewangan Islam yang melibatkan 60 orang pelajar terpilih di SMK Jerai.

Sementara itu, Timbalan Naib Canselor Penyelidikan & Inovasi UUM, Prof. Dr. Ayoib berkata, program seumpama ini amat baik untuk memantapkan lagi hubungan kemasyarakatan antara Universiti Utara Malaysia dan masyarakat setempat.

“Di satu pihak, program ini memberi pendedahan kepada para pelajar Universiti tentang kepentingan bermasyarakat dan bagaimana mereka dapat mengadaptasi segala ilmu di bilik-bilik kuliah terhadap realiti sebenar kehidupan. Di satu pihak yang lain, masyarakat setempat dapat memanfaatkan peluang dan potensi pendidikan, ekonomi, budaya dengan kelebihan dan kemudahan yang ada disesebuah Universiti.

Jelasnya, generasi muda perlu didedahkan dengan kehidupan sebenar orang kampung dan menyelami susah payah mereka bagi menguatkan jati diri masing-masing bahawa kejayaan akademik bukan segalanya tetap sikap prihatin dan rasa tanggungjawab untuk membantu komuniti juga penting.

“Universiti juga bersedia untuk membantu komuniti Baling dari segi kepakaran ilmu yang ada bagi meningkatkan taraf hidup mereka dalam jangka masa panjang,” ucapnya.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.